

BRÁÐABIRGÐALÖG

um tilraunastöð á Keldum.

63

4. júní

FORSETI ÍSLANDS

gjörir kunnugt: Landbúnaðarráðherra hefur tjáð mér, að í frumvarpi til laga um atvinnudeild Háskólans, sem síðasta Alþingi hafði til meðferðar, en ekki náði fram að ganga, hafi verið ákveðið, að tilraunastöðin á Keldum skuli lúta læknadeild Háskólans. Jafnframt upplýsir ráðherrann, að Rockefellerstofnunin í Bandaríkjunum hafi gefið Háskóla Íslands nálega eina milljón króna til væntanlegrar stofnunar til rannsóknar á búfjársjúkdómum, og er ætlað nú þegar að reisa hús yfir stofnunina.

Í samræmi við skilyrði Rockefellerstofnunarinnar og tillögur nefndar þeirrar, sem undirbjó framangreint frumvarp, verður að teljast nauðsynlegt að koma þeirri skipan á nú þegar, að tilraunastöðin á Keldum skuli lúta læknadeildinni.

Með því að ég fellst á, að brýna nauðsyn beri til að setja bráðabirgðalög um téð efni samkvæmt 28. gr. stjórnarskrárinnar, set ég bráðabirgðalög á þessa leið:

1. gr.

Tilraunastöðin í sjúkdómafræði á Keldum í Mosfellssveit lýtur læknadeild Háskólans, enda skipar ráðherra sá, er fer með mál hans, þar forstöðumann og starfsfólk, að fengnum tillögum læknadeildar og yfirdýralæknis. Hann setur, að fengnum tillögum forstöðumanns, þær reglur um stofnun þessa, er nauðsynlegar kunna að vera.

Um lagning vegar að tilraunastöðinni á Keldum frá þjóðveginum um Mosfellsveit gilda ákvæði IV. kafla vegalaga, nr. 101 1933.

2. gr.

Lög þessi öðlast þegar gildi.

Gjört í Reykjavík, 4. júní 1946.

nn Björnsson.

(L. S.)

Pétur Magnússon.

BRÁÐABIRGÐALÖG

um lántökuheimild fyrir ríkisstjórnina til að reisa lýsisherzluverksmiðju.

64

12. júní

FORSETI ÍSLANDS

gjörir kunnugt: Atvinnumálaráðherra hefur tjáð mér, að rannsókn þeirri, sem gert er ráð fyrir í niðurlagi 1. gr. laga nr. 93 25. september 1942, til undirbúnings því að reisa verksmiðju til herzlu sildarlýsis, sé nú það langt komið, að ekkert sé því til fyrirstöðu, að hafið verði að reisa verksmiðjuna, þegar fé er fyrir hendi í því skyni. Telur ráðherrann þetta þeim mun meira aðkallandi sem vitanlegt sé, að alls staðar sé hinn mesti feitmetisskortur og skortur á

64

12. júní

hvers konar feiti, en lýsi þurfi yfirleitt að vera hreinsað og hert til þess að vera nothæf vara, hvort sem sé til manneldis eða iðnaðarnota. Auk þess sé verð á hertu lýsi stórum hærra en á lýsinu eins og það kemur fyrir sem hráefni og því von um miklu hærra verð og meiri erlendan gjaldeyri fyrir lýsið, ef það verði hert. Tími hafi ekki unnizt til að hafa líkið undirbúningi málsins svo snemma, að það gæti orðið lagt fyrir síðasta Alþingi, en málið þoli ekki bið til næsta þings. Til þess að koma verksmiðjunni upp þurfi mikið fé og sé því óhjákvæmilegt, að ríkisstjórnin fái heimild til að taka lán í því skyni, en það mun verða að nema allt að 7 milljónum króna, og óskar ráðherrann heimildar til þessa í bráðabirgðalögum.

Með því að ég fellst á, að brýna nauðsyn beri til þess að veita ríkisstjórninni ofangreinda lánsheimild, set ég samkvæmt 28. gr. stjórnarskrárinnar bráðabirgðalög á þessa leið:

1. gr.

Ríkisstjórninni heimilast að taka að láni f. h. ríkissjóðs allt að 7 milljónir króna til greiðslu stofnkostnaðar lýsisherzluverksmiðju.

2. gr.

Lög þessi öðlast þegar gildi.

Gjört í Reykjavík, 12. júní 1946.

Sveinn Björnsson.

(L. S.)

Áki Jakobsson.

65

12. marz

AUGLÝSING

um viðskiptasamning milli Íslands og Tékkóslóvakíu.

Hinn 28. febrúar 1946 var undirskrifaður í Praha viðskipta- og greiðslusamningur milli Íslands og Tékkóslóvakíu. Samkvæmt samningi þessum lofa ríkisstjórnir beggja landa að veita gagnkvæmt innflutnings- og útflutningsleyfi fyrir þeim vörutegundum, sem sérstaklega eru tilgreindar í vörulistum, sem fylgja samningnum. Greiðslurnar skulu fara fram samkvæmt sérstökum greiðslusamningi, sem einnig fylgir viðskiptasamningnum.

Hvorug ríkisstjórnin er skyld samkvæmt samningnum að veita einstaklingum eða fyrirtækjum innflutnings- eða útflutningsleyfi, ef þessir aðilar eiga ekki rétt á slíkum leyfum samkvæmt gildandi reglum í hlutaðeigandi ríki.

Ríkisstjórnirnar heita hvor annarri að stuðla að því að koma á viðskiptum milli innflytjenda og útflytjenda í hvoru ríki um sig og að greiða að öðru leyti fyrir viðskiptum milli ríkjanna innan þeirra takmarka, sem samningurinn setur.

Af Íslands hálfu er samið um að selja til Tékkóslóvakíu þessar vörur: Saltsild, hraðfrystan fisk, saltfisk, hertan fisk, sildarmjöl, fiskimjöl, sildarlýsi, þorskalýsi, niðursoðinn fisk, ull og gærur.

Af hálfu Tékkóslóvakíu er samið um að selja til Íslands þessar vörur: Sykur, kemiskar vörur, liti, leirflisar, annað einangrunarefni, leirsmíðamuni, verkfæri, emaljuruð eldhúsáhöld, vélar og varahluti, landbúnaðarvélar og varahluti, keðjur, reiðhjól og varahluti, pípur og pípusamskeyti, nagla, dósablikk, gler og glervörur, sjón-tæki, skrifstofuáhöld, hljóðfæri, lyfjavörur og áhöld.